

...Халқаро молия ташкилотларининг хусусий сектор билан ҳамкорлиги кескин кучайиб, улар бир қатор илғор корхоналарга тўғридан-тўғри инвестициялар киритишди. Жумладан, бир йил давомида уларнинг хусусий компания ва банклар билан қўшма лойиҳалари ҳажми 1 миллиард доллардан ортди.

Яна бир йўналиш. Бугун бу учрашувда қатнашаётган компаниялар “яшил” энергия, чиқиндиларни қайта ишлаш, электр энергиясини сақлаш, “яшил” водород ишлаб чиқариш каби илғор соҳаларда янги лойиҳаларни бошлаганини алоҳида таъкидламоқчиман.

Бу борада “Acwa Power”, “Masdar”, “Linde”, “Shanghai Environment”, “Total Energies” сингари етакчи компаниялар 8 миллиард доллардан зиёд инвестиция киритиб, “яшил” иқтисодиётни ривожлантиришга катта ҳисса қўшмоқда.

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ХОРИЖИЙ ИНВЕСТИТОРЛАР КЕНГАШИ МАЖЛИСИДАГИ НУТҚИДАН



Робахон МАХМУДОВА,
Ўзбекистон “Адолат” СДП Сиёсий Кенгаши раиси,
Олий Мажлис Қонунчилик палатасидаги
партия фракцияси раҳбари

Айни кунларда бутун дунё ҳамжамияти томонидан Тўртинчи Тошкент халқаро инвестиция форуми ва унда Ўзбекистон Республикаси Президенти Шавкат Мирзиёевнинг иштироки эътироф этилмоқда.

Маълумки, ушбу тадбирда 7,5 мингдан зиёд делегат, шу жумладан 3 мингга яқин хорижий меҳмонлар иштирок этди. Бу рақамлар мамлакатимизга бўлган қизиқиш ва унинг сармоявий муҳити нақадар юқори эканлигидан далолат беради.

Президентимизнинг форумдаги нутқи мамлакатимиз иқтисодий салоҳиятини янада юксалтириш ва халқаро муносабатларни мустаҳкамлашга содиқлигимизни яққол намоён этди. Нутқда нафақат даромад келтирадиган, балки аввало инсон қадрини улуғлайдиган, унинг манфаатлари ва жамият тараққиётини таъминлашга хизмат қиладиган инвестиция муҳитини яратиш ғояси алоҳида таъкидланди. Давлат раҳбари тўртта муҳим йўналиш бўйича ҳамкорлик қилиш муҳимлигини кўрсатиб ўтди.

Хусусан, ушбу йўналишлардан бири — иқтисодиётни ривожлантиришда рақамли технологиялар ва

сунъий интеллектдан оқилона фойдаланишга қаратилган ислохотларни янада жадаллаштириш билан боғлиқ ташаббус партияимиз платформасига тўлиқ мос келади.

Жаҳон бозорида трансформация жараёни жадаллик билан кузатилаётган бир шароитда янги технологияларнинг интеграцияси ва рақамли иқтисодиётга ўтиш рақобатбардошлиқнинг асосий омилга айланмоқда. Давлатимиз раҳбарининг ушбу ташаббуслари рақамли платформаларни ривожлантириш ва инновацион лойиҳаларни қўллаб-қувватлаш орқали давлат хизматлари самарадорлигини ошириш ва фуқароларнинг ҳаёт сифатини яхшилашга қаратилганлиги билан аҳамиятлидир. Биз иқтисодий ўсишнинг катализаторига айланиши мумкин бўлган инновацион лойиҳалар ва стартапларни қўллаб-қувватлашни мақсад қилганмиз. Шу боис фракциямиз иқтисодиётни юксалтиришга қаратилган самарали лойиҳаларни молиялаштириш ва сунъий интеллектдан унумли фойдаланишга қаратилган ҳуқуқий асосни такомиллаштиришда фаол иштирок этади.

Партияимизнинг асосий ғояларидан бири — бу ижтимоий адолатни мустаҳкамлаш ва аҳолининг барча қатламлари учун тенг имкониятларни таъминлашдан иборат. Мазкур йўналишдан келиб чиқиб, фракциямиз давлатимиз раҳбарининг янги иш ўринлари яратиш ва фуқаролар фаровонлигини оширишга қаратилган ташаббусларини тўлиқ қўллаб-қувватлайди. Ишончимиз комилки, кейинги йилларда мамлакатимизда амалга оширилаётган фаол инвестиция сиёсати ушбу мақсадларга эришиш учун асос бўлади.

Бундан ташқари, форум доирасида илк бор Ўзбекистон компанияларининг лойиҳалари ва қўшма ташаббусларини ўз ичига олган ихтисослашган кўرғазма ташкил этилгани партияимиз ҳамда фракциямиз аъзоларига ҳар томонлама маъқул келди. Мазкур кўрғазма мамлакатлараро ҳамкорлиқни ривожлантириш ва рақобатбардош маҳсулотларни яратиш учун янги уфқларни очади, бу ҳам бизнинг сайловолди платформамиздаги мақсадларимиздан бири ҳисобланади.

Хулоса қилиб айтганда, биз юртимиздаги барча тадбиркор ва ишбилармонларни мамлакатимиз ҳаётини яхшилашга ва иқтисодиётимизни ривожлантиришга қаратилган ўзгаришлар жараёнида фаол иштирок этишга қақариб қоламиз. Умумий мақсадларимизга эришиш учун билим, салоҳият ва кучларимизни бирлаштирамиз ҳамда ҳар бир фуқаро ўзининг ҳимоя остида эканлигини ҳис қиладиган муҳитни яратишда давом этамиз.

Бор меҳримиз сенга, болажон!

МЕҲРЛИ ЮРАКЛАРДАН ХАСТА БОЛАЖОНЛАРГА ИНСОНПАРВАРЛИК ЁРДАМИ

Инсон қалбини эзеулик ва ҳиммат билан тўлдирадиган энг олийжаноб туйғу — бу меҳрдир. У қалбда ёруғ ниятлар шаклида, амалда эса одамларга фойда келтириш, яхшилик қилишга интилиш кўринишида намоён бўлади. Шу маънода нафақат тиббий аҳамиятга эга амал, балки юракдаги инсонпарварлик ва фидойилиқнинг амалий ифодаси бўлган донорлиқни энг шарафли ва олийҳиммат ва-зифалардан бири, дейиш мумкин. Ахир ўз қонини ихтиёрий равишда топширган ҳар бир инсон кимгадир умр бағишлайди, кимнидир соғлигини тиклаб, ҳаётига нур олиб қиради. Берилган қон ўз вақтида етиб борса, у бир болажоннинг умрини сақлаб қолиши, унинг баркамол ва соғлом бўлиб ўсишига хизмат қилиши мумкин. Бундай хайрли ишда қатнашишнинг ўзи шараф ва юксак савобдир.

“Адолат” социал-демократик партияси инсонпарварлик ғояларини амалда намоён этиш, жамиятда яхшилик қилиш маданиятини қарор топтиришга қаратилган эзгу ташаббусларни доим қўллаб-қувватлаб келмоқда.

Эл ардоқлаган ижодкорлар



ИНТЕРВЬЮ “ҚИРОЛИ”

...“Адолат” СДПнинг Биринчи қурултойи 1995 йилнинг 18 феврилида ўтказилди. Ўшанда партиянинг биринчи бош қотиби қилиб Анвар Жўрабоевни сайлашди. Шу билан бирга, ўзлари ишлаётган “Халқ сўзи” газетасида ҳам бош муҳаррир бўлиб қолди. Ўша оғир йилларда юртимиздаги қийинчиликларни, муаммоларни бартараф этишда “Адолат” партиясининг ҳам ҳиссаси катта бўлган.

Ҳакамлик судлари фаолияти ТАКОМИЛЛАШТИРИЛМОҚДА

Қонун лойиҳасида суд биносида судга ҳурматсизлик қилганлик учун маъмурий жавобгарлик чоралари, шунингдек, суд ишларини ҳал этишга аралашганлик учун жавобгарлик чораларини аниқлаштириш назарда тутиляпти. Яъни, суд ишларини ҳал этишга аралашиб, муайян ишни ҳар томонлама, тўла ва ҳолисона кўриб чиқишга тўсқинлик қилиш ёки ғайриқонуний ҳукм, ҳал қилув қарори, ажрим ёки қарор чиқарилишига эришиш мақсадида судья ёки маслаҳатчисига турли шаклда қонунга хилоф равишда таъсир ўтказганлик учун жавобгарлик белгиланмоқда.

Аҳолига сифатли тиббий хизмат кўрсатиш – ДОЛЗАРЪ ВАЗИФА

Жиззах шаҳридаги ДОРИХОНАЛАР КЎЗДАН КЕЧИРИЛГАНДА ДОРИХОНА ХОДИМЛАРИНИНГ СОТИЛИШИ ЗАРУР БЎЛГАН ДОРИ-ДАРМОНЛАР ТЎҒРИСИДА ТЎЛИҚ ТУШУНЧАГА ЭГА ЭМАСЛИГИ, БАРЧА ДОРИХОНАЛАР СОТУВ ЗАЛИДА ДОРИ-ДАРМОНЛАР НАРХИ ТАЛАБ ДАРАЖАСИДА ЁЗИБ ҚЎЙИЛМАГАНЛИГИ ТУФАЙЛИ НАРХЛАР ИСТЕЪМОЛЧИГА ДЕЯРЛИ КЎРИНМАСЛИГИ МАЪЛУМ БЎЛДИ. НАРХ-НАВО БИР ХИЛ ЭМАСЛИГИ, АЙРИМ ДОРИХОНАЛАРДА ҲАЛИГАЧА ДОРИ-ДАРМОНЛАР НАРХИДА КАТТА ФАРҚ БОРЛИГИ, БАЪЗИЛАРИДА ДОРИ ВОСИТАЛАРИНИНГ НАРХИ АСОССИЗ РАВИШДА ОШИРИБ СОТИЛАЁТГАНЛИГИ КУЗАТИЛДИ.

Бизда қачон?

ЕИга аъзо 5 та давлат болалар учун TikTok ва YouTube’ни тақиқлаш таклифи билан чиқди

Франция Президенти Эммануэль Макрон 15 ёшдан кичик болаларга ижтимоий тармоқлардан фойдаланишни тақиқлаш кераклигини айтди. Бу ҳақда “Le Figaro” хабар берди.

Давлат раҳбари мамлакатнинг Ножан-сюр-Марн шаҳридаги мактаблардан бирида содир бўлган пичоқбозлиқни изоҳлар экан, шундай қарорга келганини билдирган. Унга кўра, болалар ижтимоий тармоқларда тарқалаётган турли видеолар оқимида тушиб қолиб, шундай ваҳшийликлар содир этмоқда.

Макроннинг фикрича, Европа Иттифоқи бир неча ой ичида ижтимоий тармоқлардан фойдаланишни тақиқлашга қаратилган қарор қабул қилиши лозим. Президентнинг сўзларига кўра, агар Европа Иттифоқи бундай қарорни қабул қилмаса, Франция бу чорани мустақил равишда жорий этади.

“Акс ҳолда, биз буни Францияда амалга оширамиз. Биз кутиб ўтира олмаймиз”, деган мамлакат Президенти.



МЕХҲРЛИ ЮРАКЛАРДАН ХАСТА БОЛАЖОНЛАРГА ИНСОНПАРВАРЛИК ЁРДАМИ

1 Ана шундай ташаббуслардан бири сифатида ҳар йили 1 июнь – Халқаро болаларни ҳимоя қилиш куни муносабати билан Республика қон қуйиш маркази ва унинг ҳудудий филиалларида “Бор меҳримиз сenga, болажон!” шиори остида беғараз донорлик акцияси ташкил этилади. Жорий йилнинг 2–13 июнь кунлари ҳам мазкур акция юқори савияда, руҳан кўтаринки ва кенг жамоатчилик иштироки билан ўтказилмоқда. Акция давомида минглаб кўнгилчилар – турли касб эгалари, талаба-ёшлар, партия фаоллари қон топишиб, қонга муҳтож болалар ҳаётини сақлаб қолишга ўз ҳиссасини қўшишди. Бу саъй-ҳаракатлар орқали донорликнинг аҳамияти яна бир бор кенг жамоатчиликка етказилди, яхшилик қилиш ва беғараз ёрдам кўрсатиш гоёяси янада мустаҳкамланди.

АНДИЖОН ВИЛОЯТИ. Бу йил Халқаро болаларни ҳимоя қилиш куни муносабати билан ташкил этилган “Бор меҳримиз сenga, болажон!” акцияси аввалгиларидан ушқоқлик билан ўтгани эътиборли. Тадбир олдидан жамоатчилик орасига кириб бориб, хайрли ишга чақирилгани ижобий самара берди. Андижон вилоят қон қуйиш станциясида “Мен донорман!” “Адолат” сизни саховатга чорлайди”, “Бемор болалар учун қон беринг!” каби шиорлар ўрин олгани кўпчилик эътиборини тортиди. МФЙ гузарларида ҳам шу каби чақириқлар жой олди.

– “Адолат” СДП билан ҳамкорлигимиз ижобий самара бермоқда, – дейди Андижон вилоят Қон қуйиш маркази бош шифокори Дилфуза Мансурова. – Кейинги вақтда савога қақирш “адолатчилар”нинг доимий ишлага айланиб, деб айтсак бўлади. Донорлик савобли ва хайрли иш эканини тушунган юртдошларимиз кўнгилли равишда бизга муружаат қилмоқда. Қувонарлиқ, кўпчилик бефарқ эмас, қандай бўлмасин беморларга ёрдам кўрсатиш ҳаракатида. Партия сафидаги донорлар орасида ёшлар кўпчилиги ташкил этади. Улар доимий донорга айланиши ҳам мумкин.

“Адолат” СДП Андижон вилоят кенгаши раиси Мадамжон Мадазимов тадбир тўғрисида жамоатчилик орасида олдидан тушунтириш ишлари олиб борилгани ўз натижасини кўрсатганини, талаба-ёшлар бу ҳаракатнинг ташаббусқарарига намуна бўлдилар. “Адолат” СДП Андижон вилоят кенгаши раиси ўринбосари Малоҳатхон Мусаевнинг бемор болаларга ҳаёт бериш мақсадида қон топишишни тадбир иштирокчисига айланишга чақириги ички ишлар ходимларини ҳам фаолликка бошлади. Тинчлигимиз ва оқийишчилигимиз йўлида самарали иш олиб бораётган йигитларнинг кўпчилиги доимий донор бўлиш истагини билдирдилар. Бугунгача 195 нафар андижонлик донор 58 литр қон топишди. Бу рақам бир қарашда унчалик катта эмасдир. Асосийси, бемор болаларга бўлган эътибор, кўмак.

БУХОРО ВИЛОЯТИ. “Адолат” социал-демократик партияси вилоят кенгаши раҳбарияти, халқ депутатлари вилоят Кенгаши депутатлари, Ички ишлар тузилмалари, Миллий гвардия ва Фавқулодда вазиятлар бошқармалари ходимлари, шунингдек, кўнгилли фуқаролар фаол қатнашиб, болалар саломатлигини мустаҳкамлашга ўз ҳиссасини қўшмоқдалар.

– Донорлик — нафақат беморларга ҳаёт бағишлаш, балки донорнинг ўзи учун ҳам саломатлигини мустаҳкамловчи муҳим тиббий амалиётдир, –

дейди “Адолат” социал-демократик партияси Бухоро вилояти кенгаши раиси Мақсуд Ҳамидов. – Қон топириш юрак ва қон айланиш тизими саломатлигига ижобий таъсир кўрсатади, юрак хуружи хавфини камайтиради. Шу боис, ташкил этган акциямиз нафақат вилоят марказида, балки Бухоро вилоятининг барча туман ва шаҳарларида босқичма-босқич ташкил этилиб, юзлаб фуқароларни эзгулик йўлида бирлаштирмоқда. Жумладан, Вобекент, Бухоро, Қоровулбозор, Олот туманларида ва Косон шаҳрида ўтказилган тадбирларда депутатлар, тиббиёт ходимлари, ёшлар фаол иштирок этди.

Ўтказилган тадбирларда туман Кенгаши раислари ҳамда депутатлар фаол иштирок этиб, донорликнинг ижтимоий аҳамияти ва соғлиқ учун фойдаси борасида тарғибот олиб бордилар. Шунингдек, акция доирасида қон топирувчилар саломатлиги тиббиёт ходимлари томонидан текширилди, керакли маслаҳатлар берилди, барча хавфсизлик чораларига риоя қилинди. Бугунгача вилоят бўйлаб хайрли акцияда 400 нафардан ортқ кўнгилчилар иштирок этиб, 211 литр қон захираси тўпланди.

ЖИЗЗАХ ВИЛОЯТИ. Тиббий-ижтимоий кўмакка муҳтож болаларни ҳар томонлама қўллаб-қувватлаш, болалар саломатлигини муҳофаза этиш, онкология клиникаларида даволанаётган болалар учун донорлик ёрдамини кўрсатишга қаратилган донорлик акцияси вилоят қон қуйиш маркази ҳамда унинг шаҳар ва туман бўлимларида кўтаринки руҳда ўтказилмоқда.

– Донорлик жараёни бизнинг марказда ҳар доим қатъий тиббий стандартларга мувофиқ, тўлиқ ҳавфсиз ва назорат остида амалга оширилади, – дейди Жиззах вилоят қон қуйиш маркази бош шифокори Ёдгор Якубов. – Донорлар соғлигига катта эътибор қаратилади. Бундай хайрия акциялари орқали нафақат бир шахснинг ҳаёти сақланади, балки бутун бир оилалар қувонча тўлади, чунки қонга муҳтож беморлар ҳаётига янада кўпроқ имконият яратилади. Топирилган ҳар бир томчи қоннинг ортида кимнингдир умиди, келажакка ишончи туради. Биз донорлардан миннатдоримиз ва уларни қўллаб-қувватлаймиз.

“Адолат” СДП Жиззах вилоят кенгаши томонидан Жиззах вилояти қон қуйиш марказида ўтказилган қон қуйиш акциясида маҳаллий кенгашлар депутатлари, ҳудудий партия ташкилотлари ходимлари, “Аёллар қаноти” ва “Ёш адолатчилар” қаноти фаоллари, Жиззах вилоят прокуратураси, Ички ишлар бошқармаси, вилоят суди, Фавқулодда вазиятлар бошқармаси, Солиқ бошқармаси, таълим ва тиббиёт муассасалари вакиллари, Ёшлар ишлари агентлиги Жиззах шаҳар бўлими, хайрихоҳлар ҳамда ОАВ вакилларида иборат 584 нафар донор 200 литр қон топишди, ёрдамга муҳтож бемор болажонларга ҳаёт бағишлашга ўз ҳиссаларини қўшдилар.

НАВОЙИ ВИЛОЯТИ. “Адолат” социал-демократик партияси томонидан ташкил этилган “Бор меҳримиз сenga, болажон!” беғараз донорлик акцияси якунига етиб бормоқда. Анъанавий тарзда ҳар йили икки маротаба ўтаётган акция, бу йил биринчи маротаба 10 кун давомида Навоий вилоятининг туман ва шаҳарларида ташкил этилмоқда.

Айниқса, вилоятнинг Навоий шаҳри, Навбахор, Кармана, Қизилтепа, Хатирчи, туманларида самарали ташкил этилди. Энг асосийси, акцияда қорхона ва ташкилотлар, ҳуқуқ тартибот идораларининг ҳудудий бошқармалари ходимлари

иштироки тизимли йўлга қўйилди. Бу борада, айниқса, муҳофаза ишлари, ички ишлар, фавқулодда вазиятлар, миллий гвардиянинг ҳудудий бошқармалари ҳарбийлари ва ходимларининг фаоллигини алоҳида эътироф этиш лозим.

Мазкур акциянинг дастлабки 8 кун давомида вилоятда 170 нафар донор иштирок этиб, улар томонидан 101 литр беғараз қон топирилди. Акция 12-13 июнь кунлари Нурота ва Конимех туманларида давом этиб, ушбу кўрсаткич янада орттиш, шубҳасиз. Беғараз донорлик акцияси орқали минглаб қон билан боғлиқ касалликлар қалинган бемор болажонларнинг ҳаётини сақлаб қолишда, инсонийлик, меҳр-саховат сингари умумбашарий қадриятларни кенг тарғиб қилишда муҳим дастуруламал бўлиб хизмат қилмоқда.

ҚАШҚАДАРЁ ВИЛОЯТИ. Ҳар йилги анъанага қура, хайрли ташаббусда юзлаб юртдошларимиз қатори маҳаллий кенгашлар раислари, депутатлар, Қашқадарё вилояти ички ишлар органлари тизимларида хизмат олиб бораётган ходимлар ва бошқа хайрихоҳларимиз фаол қатнашиб, ўз инсонийлик бурчини шараф билан адо этишди.

– Вилоятимиздаги қон топириш пунктларида ҳар кун деярли юз нафарга яқин ҳамюртларимиз муружаат қилиб, савобли ишга ҳисса қўшишмоқда, – дейди “Адолат” социал-демократик партияси Қашқадарё вилояти кенгаши раиси Руиддин Раупов. – Улар аввал зарур тиббий қўрқ ва тахлиллардан ўтиб, текширувлар натижасида фақат соғломлиги тасдиқланган шахсларгина донор сифатида қон топиришга рухсат олди. Бу каби хайрли тадбирлар нафақат инсон ҳаётини сақлаб қолишга хизмат қилади, балки жамиятда ўзаро меҳр-оқибат, эзгулик ва аҳиллик фазилатларини янада мустаҳкамлайди.

Таъкидлаш жоиз, акция доирасидаги қон топириш жараёнлари вилоят маркази – Қарши шаҳри, шунингдек, Ғузор, Косон, Нишон, Касби ва бошқа туманларда намунали ташкил этилмоқда.

ХОРАЗМ ВИЛОЯТИ. “Адолат” СДП вилоят кенгаши томонидан юртдошларимизни шарафли мақсад йўлида бирлаштирган акция Республика Қон қуйиш маркази Хоразм вилояти филиалида ҳамда кўма мобил донорлик комплекси орқали шаҳар ва туман марказларида амалга оширилмоқда.

– Шубҳасиз, инсон саломатлиги учун беғараз хизмат қилишни ўзига бури деб билганлар сони қанча қўлайса, жамиятимизда эзгулик ва адолат руҳи шунчалик мустаҳкам ва бардавом бўлади, – дейди Республика ихтисослаштирилган Онкология ва радиология илмий-амалий тиббиёт маркази вилоят филиали директори Отаҳон Тажидинов. – Мазкур беғараз донорлик акцияси ҳам халқимизни эзгулик йўлида бирлаштирган акция давомида ўз ифодасини топди. Мақсадимиз инсонлар розилигига эришиш, мамлакатимизда инсон қадрини янада мустаҳкамлашдан иборат экани билан аҳамиятли.

Республика ихтисослаштирилган Онкология ва радиология илмий-амалий тиббиёт маркази вилоят филиали, вилоят Кўп тармоқли тиббиёт маркази, Урганч туман тиббиёт марказидаги бошланғич партия ташкилоти фаоллари ҳамда вилоят ички ишлар бошқармаси ва бошқа бир қатор ташкилотлар вакиллари ҳамда кўнгилчиларнинг фаол иштирокида қизгич кечган жараён давомида иштирокчилар билан қон – бу ҳаёт манбаи экани, ҳар бир топирилган қон қўллаб бемор болажонларнинг ҳаётини сақлаб қолиши мумкинлиги тўғрисида

фикр ва мулоҳазалар алмашилди. Хоразмлик донорлар акциянинг ўтган саккиз кунда 57 литр қон топиришди.

ФАРҒОНА ВИЛОЯТИ. Меҳр ва эзгулик улаштишга ундовчи хайрли тадбир — “Бор меҳримиз сenga, болажон!” беғараз донорлик акцияси партиянинг Фарғона вилояти кенгаши томонидан вилоятнинг барча шаҳар ва туманларини қамраб олди. Тадбирда Фарғона вилояти Ички ишлар бошқармаси, Ўйул ҳаракати хавфсизлиги бошқармаси, Қўриқлаш бошқармаси, Миллий гвардия вилоят бошқармаси, шунингдек, Фарғона шаҳрида жойлашган ҳарбий қисмлар ходимлари ҳам фаол иштирок этишди. Улар томонидан кўрсатилган фаоллик ва фидойилик жамоатчилик орасида ижобий фикрларга сабаб бўлди.

– “Адолат” партияси билан ҳамкорликда ўтказилаётган донорлик акцияси йилдан йилга оммалашиб, ташкилотчилик ва мазмун жиҳатдан бодиб бораётгани эътиборли, – дейди Фарғона вилоят қон қуйиш маркази шифокори Ойбек Юлдашев. – Бу йилги тадбир ҳар томонлама муваффақиятли ўтмоқда. Бугунгача жами 706 нафар фуқаро акцияда иштирок этди, шундан 306 нафари қон донори сифатида қатнашди. Натижада 110 литрдан ортқ қон захираси тўпланди. Бу кўрсаткичлар ортида жуда катта меҳнат ва юксак масъулият бор.

Акцияда “Адолат” партиясининг Қўштепа туман кенгаши раиси, 10 йиллик фахрий донор Илхомжон Қосимжонов ҳам фаол иштирок этди. Унинг шахсий тахрибаси орқали донорликнинг инсон саломатлиги ва жамият учун қандай улкан аҳамиятга эга экани яна бир бор намоён бўлди.

– Анчадан буён партия ташаббускорлигидаги донорлик акцияларида иштирок этиб келаман. Бошида йилгига икки марта қон топишардим. Кейинчалик, ўз саломатлигимдаги ижобий ўзгаришларни кўрача, бундан одамга айлантирдим. Ҳозирда йилгига 5-6 марта қон топишарман. Донорлик – бу фақат ёрдам бериш эмас, балки инсоннинг маънавий юксалиши, бошқалар тақдирига бефарқ бўлмастек деганидир. Агар қоним бир боланинг ҳаётини сақлаб қолса, бу мен учун энг буюк муқофотдир, – дейди Илхомжон Қосимжонов биз билан суҳбатда.

Тадбир доирасида қонга муҳтож беморлар оила аъзолари ҳам ўз фикрларини билдиришди.

– Набараиларим Сарварбек ва Ноила оқсон касаллигига чалинган, – дейди Тошлоқ туманида келган Замирахон Каримова. – Илгари ҳар 6 ойда бир қон қуйишга керак бўлса, ҳозирда бу эҳтиёж ойма-ой юзага чиқмоқда. Донорлик акцияси ҳақида интернет орқали хабар топдик ва турмуш ўртоғим билан бирга қон топиришга қарор қилдик. Бу биз учун фақат инсонпарварлик вазифаси эмас, балки оиламиз учун ҳам умиддир. Ҳар бир донорга бутун оиламиз номидан миннатдорлик билдираман.

Бундай тадбирлар нафақат тиббий эҳтиёжларни қондириш, балки жамиятда бағрикенглик, меҳр-мурувват, ҳамжиҳатлик ва жавобгарлик туйғуларини мустаҳкамлашга хизмат қилади. Донорлик орқали инсон ҳаётига умид бағишланаётганини хис этган ҳар бир фуқаро ушбу ҳаракатга ҳисса қўишини ўзининг инсоний бурчи деб билаётгани – жамиятимиз маънавий юксалаётганидан далолат беради.

Шаҳбозбек ҲАСАНОВ
тайёрлади

Ҳаёт қутилмаган воқеликларга бой. Ундаги ҳар бир кунимиз баъзида янги бир синов ёки имконият, қувонч ёки сўнгсиз ташвиш билан келади. Аммо инсон соғлиғи билан боғлиқ жараёнларда бу қутилмаган воқеликлар янада қалтис тус олиши, баъзан ҳаёт ва ўлим ўртасидаги кураш натижаси бир неча миллилитр қонга боғлиқ бўлиб қолиши мумкин.

Эзгуликка чорлаган ташаббус



**Муҳаррам ДАДАХОДЖАЕВА,
“Адолат” СДП Тошкент шаҳар кенгаши раиси**

Тасаввур қилинг: одатий кунлардан бирида оила аъзоларингиз билан хайрлашиб, ишга ёки ўқишга кетдингиз, дейлик. Шунда қутилмаган ҳолат рўй бериб, сизга шошилиш кўнғироқ бўлади ва унда ҳеч бир ота-она, турмуш ўртоқ ёки фарзанд эшитишни истамайдиган: “Бахтсиз ҳодиса содир бўлди. Яқинингиз ҳаёти хавф остида. Зудлик билан қон керак. Бу – ҳал қилувчи омиш”, деган мазмундаги сўзлар айтилади. Бу пайтда вақт соатлар эмас, сониялар билан ўлланади. Қанчалар аламли, қўрқинчли бўлмасин, бу эҳтимолий сценарий эмас, балки ҳар кун кўплаб шифохоналарда такрорланаётган, минглаб инсонларнинг бошидан ўтаётган ҳаётини манзарадир. Хўш, шундай вазиятда сиз қандай йўл тутасиз? Бунга тўлақонли тайёрийсиз?

Халқаро тиббий тавсияларга кўра, муайян давлат аҳолисининг қонга бўлган талабини тўлиқ қоплаш учун ҳар минг нафар кишига камида 30 нафар доимий донор тўғри келиши лозим. Қон компонентлари билан таъминлаш бўйича эса минг нафарга 10 нафар – яъни аҳолининг камида 1 фоизи доимий равишда донорлик амалиётида иштирок этиши талаб этилади. Афсуски, бу кўрсаткич бизда ҳозирча 5 нафар атрофида. Агар ушбу кўрсаткични 10 нафарга етказишга муваффақ бўлсак, мамлакатимизда қонга бўлган эҳтиёжни тўлиқ таъминлаш мумкин бўлади. Шунингдек, бу кўрсаткични 50 нафарга етказишга эришсак, нафақат ички эҳтиёжларни тўлиқ қоплаймиз, балки қон плазмасини қайта ишлаш орқали албумин, иммуноглобулин, антигемофилияга қарши дори воситаларини маҳаллий ишлаб чиқариш имконини ҳам қўлга киритамиз. Бу эса тиббиёт соҳасидаги улкан стратегик муваффақият ҳисобланади.

Албатта, бу каби юксак натижаларга эришиш, аввало, кенг жамоатчилик онгида донорлик маданиятини оммавийлаштириш, уни моддий манфаат эмас, балки маънавий қадрият, инсонпарварликнинг энг олий ифодаси сифатида тарғиб этиш жуда муҳим ҳисобланади. Шу жиҳатдан, партиямиз томонидан кўп йиллардан буён анъанавий тарзда ташкил этиб келинаётган “Бор меҳримиз сenga, болажон!” беғараз донорлик акцияси нафақат ногиронлиги бўлган болалар ҳамда турмуш ҳасталикдан азият чекаётган ёшлар ҳаётини сақлаб қолиш, балки жамиятда беғараз ёрдам ва ижтимоий бирдамлик муҳитини қучайтиришга қаратилгани билан аҳамияти бекиёсдир.

Бу йил ҳам партиянинг Тошкент шаҳар кенгаши мазкур акцияни пойтахтда кенг қўллаб, юқори савияда ташкил этишга алоҳида эътибор қаратиб, тегишли чора-тадбирлар режасини ишлаб чиқди. Ҳудудий кенгаш таркибидаги туман кенгашлари томонидан тиббиёт бирлашмалари, даволаш профилактика муассасаларида қон топириш тадбирлари ўтказилиб, уларга минглаб фуқароларни қамраб олиш орқали бугунгача 264 литрдан ошқ ҳаёт томчилари йиғилди.

Таъкидлаб ўтиш жоизки, Мировот тумани санитария-осойишталик ва жамоат саломатлиги бўлимида ўтказилган акция тадбирларида эрта тонадан партия Сибсий Кенгаши раиси Робохон Махмудова иштирокида старт берилгани ҳамда партия фаоли, халқ депутатлари Тошкент шаҳар Кенгаши депутати, партиянинг Мировот туман кенгаши раиси Ташпўлат Матиевнинг ташаббускорлиги туфайли тумандаги юздан ортқ кўнгилли донорлар мазкур марказга келиб, бемор болажонларга ҳаётбахш томчиларни улашгани ёдда қоларли воқеалардан бири бўлди. Партиямиз етакчиси ушбу акция жамиятимизда меҳр-оқибат ва бирдамлик каби эзу қадриятларни тобора мустаҳкамлаётганини алоҳида эътироф этди.

Шунингдек, донорлик акцияси Тошкент шаҳар кенгаши томонидан Яшнобод туманида жойлашган “Қон препаратлари” илмий-ишлаб чиқариш қорхонасида, Тошкент шаҳар ИИББ ЙХХБ ҳамда Фавқулодда вазиятлар бошқармаси ҳамкорлигида, Янги ҳаёт туманидаги 72-сонли оилавий поликлиникада ҳам ушқоқликда ўтказилди. Уларда партия фаоллари, ёшлар, тиббиёт ходимлари ва аҳоли вакиллари фаол иштирок этиб, барча санитар-гиgienик талаблар ва тиббий хавфсизлик чоралари асосида қон топиришди. Яна бир эътиборли жиҳати шундаки, акцияда иштирок этган фуқаролар шифокорлар томонидан текширувдан ўтказилганда, қон топиришга рухсат берилмайдиган касалликлар ҳам аниқланди. Уларга ихтисослашган шифохоналарга йўлланма берилиб, даволашга йўналтирилди.

Акция давомида партиянинг Тошкент шаҳар кенгаши томонидан бу каби хайрли тадбирлар келгусида ҳам давом эттирилиши, донорлик ҳаракатини оммавийлаштириш ва аҳоли ўртасида ушбу маданиятни шакллантириш борасида кенг қамровли ишларни амалга ошириш келишиб олинди.



